



Republic of the Philippines
Department of Education
Region VI – Western Visayas
DIVISION OF AKLAN

Division Advisory No. 088 s. 2021

November 22, 2021

In compliance with DepEd Order (DO) No. 8 s. 2013,
this advisory is issued not for endorsement per DO 28, s. 2001,
but only for the information of DepEd Division of Aklan
officials and personnel/staff.

Attached is an invitation letter from Prop. Darren E. Dumaop,
Convenor of the 2021 Conference of the **Pambansang Samahan sa
Sikolohiyang Pilipino (PSSP)** with the theme “**Tindog Tayo: Pagbangon
at Paninindigan para sa Sarili, Kapwa, at Bayan**” on **November 25 –
27, 2021**.

For more information and verification, contact:

The Secretariat

(02) 7255-7483, (0922) 875-1440/ (0916) 211-4973

Pssponline@gmail.com/secretariat@pssp.org.ph

<http://www.pssp.org.ph/>



Republic of the Philippines
Department of Education
REGION VI – WESTERN VISAYAS

Regional Advisory No. 190, s. 2021
November 10, 2021

In compliance with DepEd Order (DO) No. 8, s. 2013
this advisory is issued not for endorsement per DO 28, s. 2001,
but only for the information of Region VI DepEd
officials and personnel/staff.
(Visit region6.deped.gov.ph)

Attached is an invitation letter from Prop. Darren E. Dumaop, Convenor
of the 2021 Conference of the **Pambansang Samahan sa Sikolohiyang
Pilipino (PSSP)** with the theme “**Tindog Tayo: Pagbangon at Paninindigan
para sa Sarili, Kapwa, at Bayan**” on **November 25-27, 2021**.

For more information and verification, contact:

The Secretariat
(02) 7255-7483, (0922) 875-1440/ (0916) 211-4973
pssp-online@gmail.com/secretariat@pssp.org.ph
<http://www.pssp.org.ph/>



Address: Duran Street, Iloilo City, 5000
Telephone Nos: (033)509-7653; (033)336-2816
Email Address: region6@deped.gov.ph
Website: region6.deped.gov.ph

Document Name	Document No.	Date Created	Revision Number
Regional Advisory	DepEd RO6-HRDD-RA-	11/10 2021	01





PAMBANSANG SAMAHAN SA SIKOLOHIYANG PILIPINO
(National Association for Sikolohiyang Pilipino, Inc.)
4A Alcal Building 285 Katipunan Avenue, Loyola Heights, Quezon City
Telefax: (02) 7255-7483 | E-mail: pssponline@gmail.com
Website: www.pssp.org.ph
f t i y pssp-online

LUPON NG MGA KADIWA
(BOARD OF TRUSTEES)
2020-2021

Pangulo

Jose Antonio R. Clemente
Unibersidad ng Pilipinas Diliman

Pangalawang Pangulo

Darren E. Dumaop
Pamantasang De La Salle

Kalihim

Danielle P. Ochoa
Unibersidad ng Pilipinas Diliman

Ingat-Yaman

Michael David Tan Lopez
Unibersidad ng Santo Tomas

Mga Kasapi

Hadji A. Balajadia
Pamantasang Ateneo de Davao

Henmar C. Cardino
Unibersidad ng Santo Tomas

Ricardo A. Clores
Pamantasang De La Salle

Carl O. Dellomos
Pamantasang Normal ng Pilipinas

Roberto E. Javier, Jr.
Pamantasang De La Salle

Argel B. Masanda
Central Luzon State University

Florabel S. Suarez
Central Philippine University

Homer J. Yabut
Pamantasang De La Salle

Ex-Officio

Jay A. Yacat
Unibersidad ng Pilipinas Diliman

Glenmark B. Villanueva
Pangulo, TATSULOK

Sekretaryat

Kenneth Carlo L. Rives
Maristela F. Talampas

Pangulong Tagapagtatag
Virgilio G. Enriquez (+)
Ama ng Sikolohiyang Pilipino

Ika-30 ng Oktubre 2021

Mahal na _____:

Isang mainit na pagbati mula sa pamunuan ng **Pambansang Samahan sa Sikolohiyang Pilipino (PSSP)**.

Taon-taon, nagtataguyod po ng Pambansang Kumperensiya ang PSSP, isang panlipunan at propesyonal na organisasyong itinatag noong 1975 na may misyong palaganapin ang Sikolohiyang Pilipino (SP) sa iba't ibang sektor ng lipunan bilang isang inter-disiplinaryo at maka-Pilipinong pananaw at pamamaraan.

Katuwang ang **UP Visayas Tacloban College-Division of Social Sciences (UPVTC-DSS)**, gaganapin *online* ang ika-45 Pambansang Kumperensiya sa Sikolohiyang Pilipino na may temang **"#TindogTayo: Pagbangon at Paninindigan para sa Sarili, Kapwa, at Bayan"*** sa 25-27 Nobyembre 2021.

Layunin po ng kumperensiya ang sumusunod: 1. talakayin ang mga karanasan ng pagbangon para sa sarili, kapwa, at bayan; 2. suriin ang kahulugan ng paninindigan sa karanasang Pilipino; 3. magtampok ng mga bagong pananaliksik sa kultura, lipunan at sikolohiyang Pilipino; at 4. magbahagi ng mga kaalaman at kasanayan sa Sikolohiyang Pilipino.

Kaugnay nito, nais naming anyayahan ang inyong mga kaguruan, kawani, at mag-aaral na dumalo sa nabanggit na kumperensiya. Ang bayad sa pagdalo ay ang sumusunod:

- **Php900** (Kasaping Panghabambuhay ng PSSP; Kasaping Propesyonal ng PSSP na bayad ng membership fee sa taong 2021; Tagapaglahad ng Papel)
- **Php1,200** (Di-Kasapi ng PSSP; Kasaping Propesyonal ng PSSP sa mga nakaraang taon pero HINDI bayad ng membership fee sa taong 2021)

*CPD Units: RSW (10.5); RGC(8); RPsy, RPm, LPT (In-Process)



PAMBANSANG SAMAHAN SA SIKOLOHIYANG PILIPINO

(National Association for Sikolohiyang Pilipino, Inc.)

4A Alcal Building 285 Katipunan Avenue, Loyola Heights, Quezon City

Telefax: (02) 7255-7483 | E-mail: pssponline@gmail.com

Website: www.pssp.org.ph

    pssponline

TENTATIBONG PROGRAMA

Ika-45 na Pambansang Kumperensiya sa Sikolohiyang Pilipino

#TindogTayo: Pagbangon at Paninindigan para sa Sarili, Kapwa, at Bayan

25-27 Nobyembre 2021

Inihahandog ng Pambansang Samahan sa Sikolohiyang Pilipino
at UP Visayas Tacloban College

25 Nobyembre 2021 (Huwebes)	
8:30-9:00 n.u.	Pambungad na Programa <ul style="list-style-type: none">• Pambansang Awit• Ritwal• Pambungad na Pananalita
9:00-10:15 n.u.	Unang Plenaryong Sesyon: Pangunahing Pananalita <i>Fr. Flaviano Villanueva, SVD</i> <i>Executive Director, St. Arnold Janssen Kalinga Center</i>
10:25-11:55 n.u.	Unang Sabayang Sesyon
12:00-12:30 n.t.	Pulong ng Kasapian
26 Nobyembre 2021 (Biyernes)	
8:30-8:45 n.u.	Ritwal
8:45-10:45 n.u.	Ikalawang Plenaryong Sesyon: Pagbangon Mula sa mga Hamon ng Buhay LDR sa Pandemya: Distansya Nga Lang Ba ang Problema? <i>Assoc. Prof. Anna Cristina A. Tuazon, PsyD, RPsy</i> <i>Departamento ng Sikolohiya, Unibersidad ng Pilipinas Diliman</i> Para Kanino (at Bakit) ka Bumabangon? Mga Aral Mula sa mga Hamon ng Bagyong Yolanda <i>Asst. Prof. Pierce S. Docena, MA, RPm</i> <i>Division of Social Sciences, Unibersidad ng Pilipinas Visayas Tacloban College</i> Ang Kapwa sa Negosyo <i>G. Gerardo "Jun" V. Cabochan, Jr.</i> <i>Pandayan Bookshop</i>
11:00-12:30 n.t.	Ikalawang Sabayang Sesyon

27 Nobyembre 2021 (Sabado)	
8:30-8:45 n.u.	Ritwal
8:45-9:30 n.u.	<p>Ikatlong Plenaryong Sesyon: Paninindigan sa Electoral Reform</p> <p>Ang Pag-unlad ng mga Kasanayan sa Halalan sa Pilipinas: Isang Sulyap sa Kasaysayan <i>Asst. Prof. Emmanuel Jeric A. Albela, PhD, LPT</i> <i>Departamento ng Kasaysayan, Unibersidad ng Santo Tomas</i></p>
9:45-10:30 n.u.	<p>Ika-apat na Plenaryong Sesyon: Paninindigan para sa Karapatan at Kalikasan</p> <p>Para Kanino ka Bumabangon?: Ang Laban Natin Para sa Karapatan at Kalikasan <i>Atty. Golda S. Benjamin</i> <i>College of Law, Silliman University</i></p>
10:40-11:55 n.u.	Ikatlong Sabayang Sesyon
12:00-12:30 n.u.	<p>Pangwakas na Programa</p> <ul style="list-style-type: none"> • Presentasyong Kultural • Pasasalamat at Pangwakas na Pananalita • Riwal ng Pagtatapos • Posttest at Pagtatasa ng Kumperensiya

ABSTRAK NG MGA SESYON

LDR sa Pandemya: Distansya Nga Lang Ba ang Problema?

Assoc. Prof. Anna Cristina A. Tuazon, PsyD, RPsy

Departamento ng Sikolohiya, Unibersidad ng Pilipinas Diliman

Isa sa pinakamapaminsalang epekto ng pandemya ay ang pagkawala ng koneksiyon sa kapwa (*social connection*). Ang pagbabawal sa pagbabiyahang ay lubhang nakaapekto sa mga magkalayong magkasintahan/mag-asawa, na nagdulot ng kawalan ng katiyakan at kontrol bilang *third-party* sa isang relasyon. Tatalakayin sa maikling presentasyong ito ang mga karaniwang isyu na nararanasan ng mga nasa *long-distance relationship (LDR)* at ituro ang mga paraan na maaaring iangkop ng mga nasa LDR upang makapagpatuloy sa gitna ng pandemya.

Para Kanino (at Bakit) ka Bumabangon? Mga Aral Mula sa mga Hamon ng Bagyong Yolanda

Asst. Prof. Pierce S. Docena, MA, RPsM

Division of Social Sciences, Unibersidad ng Pilipinas Visayas Tacloban College

Tatalakayin sa maikling presentasyon ang karanasan ng UP Tacloban sa mental health at psychosocial support (MHPSS) bilang tugon sa mga hamon na dulot ng bagyong Yolanda noong 2013. Ilalahad ng tagapagsalita ang mga interbensyon at programang nakatuon sa pagbangon mula sa bagyong

Yolanda. Bibigyang pansin ang mga salik na nagpadali at nagpahirap sa pagbangon at ibabahagi rin ang mga aral na natutunan at nananatiling mahalaga sa kolektibong pagbangon mula sa sakuna.

Ang Kapwa sa Negosyo

G. Gerardo "Jun" V. Cabochan, Jr.

Pandayan Bookshop

Ang konsepto ng kapwa na nilatag ni Virgilio G. Enriquez ay sinisikap isabuhay ng Pandayan Bookshop. Sa Pandayan, tinawag itong Kapwa Factor. Taglay ng Kapwa Factor ang mabuting pagpapakatao, pakikipagkapwa-tao, at pagkamakatao. Nasa pagpapakatao ang paghubog sa sarili. Nasa pakikipagkapwa-tao ang paghubog sa mabuting pakikipag-ugnayan sa isa o ilang kasama. At nasa pagkamakatao ang paghubog sa mabuting pakikipag-ugnayan sa pamayanan.

Ang diwa o sangkap ng pagkatao na kumikilala sa sagrado bagamat hindi ito nakikita ay nagpapaigting sa ating paggalang sa kabutihan ng kapwa tao. Hinasa ng kulturang Pilipino ang kamalayan natin sa katotohanan ng diwa. Gamit ang kuwento ng Pandayan Bookshop, ibabahagi ng maikling pananalita ang pagsasabuhay sa Kapwa Factor ng isang samahan.

Ang Pag-unlad ng mga Kasanayan sa Halalan sa Pilipinas: Isang Sulyap sa Kasaysayan

Ang Pag-unlad ng mga Kasanayan sa Halalan sa Pilipinas: Isang Sulyap sa Kasaysayan

Asst. Prof. Emmanuel Jeric A. Albela, PhD, LPT

Departamento ng Kasaysayan, Unibersidad ng Santo Tomas

Ang pag-aaral ay nakatuon sa pag-unlad ng mga kasanayan sa halalan sa Pilipinas simula 1899, nang pinagtibay ng mga Pilipino ang Konstitusyon ng Malolos na magsisilbing batayan ng Unang Republika ng Pilipinas hanggang sa paglathala ng 1987 Saligang Batas. Samakatuwid, maaari nitong masakop ang mga sistemang elektoral sa mga nakaraang taon ngunit hindi limitado sa mga reporma at kwalipikasyon na dapat taglayin ng bawat Pilipino sa pagtupad ng kanilang karapatang bumoto. Gamit ang metodong historikal, na kung saan gagamitin ang naratibo, deskriptibo, at analitikong pamamaraan, nais ng tagapagsalita na ipakita ang pag-unlad ng mga Pilipino sa pakikilahok sa demokratikong proseso ng halalan. Bukod dito, gumamit din ng *historical hermeneutics* upang mabigyang kahulugan ang ilang mga termino at parirala para maunawaan nang mas mabuti ang ilang mga teknikalidad na sumasaklaw sa sistemang elektoral at mga kasanayan sa halalan ng Pilipinas. Sa huli, nais ng tagapagsalita na suportahan ang tungkulin ng lehislatura sa pagpapabuti ng proseso ng eleksyon sa bansa.

Mga susing salita: halalan, saligang batas, pag-unlad, pagboto, reporma

Para Kanino ka Bumabangon?: Ang Laban Natin Para sa Karapatan at Kalikasan

Atty. Golda S. Benjamin

College of Law, Silliman University

Mahirap manindigan laban sa mga may kapangyarihan sa Pilipinas. Sa ating kasaysayan, naging madugo, masakit, at nakakatakot ang buhay ng isang aktibista at tagapagtanggol ng karapatang pantao at tagapangtaggol ng kalikasan. Ang laban ay hindi tumitigil dahil ito ay naka-ugat sa

pagmamahal at sa pinahalalagan ng nakikibaka. Dahil sa dalawang dahilan na ito, ang laban ay para sa sarili, pamilya, at sa bayan. May mga bagay na nakakatulong upang mapalakas ang laban: pagkakaisa, malalim na pagkakaintindihan sa direksyon sa laban, at pagpapalakas ng hanay ng mga lumalaban. May mga bagay din na nakakapagdagdag sa hirap: lakas ng kalaban, takot, at pisikal na pagod. Sa huli, nais ng tagataguyod na suportahan ang tungkulin ng mambabatas sa pagpapabuti ng proseso ng eleksyon sa bansa.

PAGPAPAKILALA SA MGA TAGAPAGSALITA



Si Fr. Flaviano Antonio L. Villanueva, SVD, o kilala bilang Flavie, ay miyembro ng *Societas Verbi Divini* (Society of the Divine Word) at Direktor ng Justice, Peace and the Integrity of Creation (JPIC), SVD Philippine Central Province. Siya rin ang Pangulo at Executive Director ng AJ Kalinga Foundation Inc., na nagpapatupad ng dalawang (2) pangunahing programa: a) ang Arnold Janssen Kalinga Center (AJKC) at b) Programang PagHilom. Ang KALINGA (Kain, Aral, Llgo, NG Ayos) Center ay isang apostolado na nagbibigay sa mga naninirahan sa kalye ng ilang beses sa isang linggo ng mainit na pagkain, paligo, malinis na damit, at pahinga upang mabawi ang kanilang dignidad.

Nagtapos ng pangunahing edukasyon si Fr. Flavie sa Don Bosco Technical Institute sa Lungsod ng Makati at ng Bachelor of Science and Commerce major in Business Management and Administration sa Colegio de San Juan de Letran sa Lungsod ng Maynila. Siya ay naordinahan bilang SVD *priest* noong 2005 nang matapos niya ang kanyang Master of Arts in Theology major in Pastoral Ministry, *magna cum laude*. Naglingkod siya sa Timor Leste bilang misyonaryo, pari sa parokya, Marketing Direktor ng Timor Kmanek (RTK), guro sa Instituto Ciencias de Religiosas (ICR), at *senior staff member* ng Commission on Justice and Peace ng Diyosesis ng Dili. Sa kanyang pagbalik sa Maynila, naging panauhing pari siya sa St. Jude National Shrine sa Malacañang, Maynila noong 2010, at Associate Director ng SVD Postulancy sa Lungsod ng Tagaytay mula 2012 hanggang 2014. Mula 2014 hanggang 2017, siya ang Direktor ng Mission Secretariat ng SVD Philippine Central Province.

Si Fr. Flavie ay pinakakilala para sa kanyang trabaho sa Kalinga Center, na kanyang itinatag noong 2015. Noong 2016, sa pagpasok ng Administrasyong Duterte, pinalawak ng Kalinga Center ang mga serbisyo nito mula sa mga pagkain, paligo, at mga damit para sa mga walang tirahan sa pagbibigay ng *support services*, na kilala bilang Programang PagHilom, para sa mga nabalo at naulila sa mga pamamaslang na nauugnay sa kampanya laban sa droga ng kasalukuyang administrasyon, kabilang dito ang pagpoproseso ng *psychosocial trauma*, tulong pang-edukasyon, pagsasanay sa kabuhayan, at espirituwal na integrasyon. Noong 2020, sa panahon ng *quarantine* na dulot ng pandemyang COVID-19, masigasig na inorganisa ni Fr. Flavie ang pitong pansamantalang *safe shelters*, sa pakikipagtulungan sa pitong paaralang Katolikon sa Maynila at sa Arkidiyosesis ng Maynila. Limang daang naninirahan sa kalye ang nabigyan ng marangal na pangangalaga: masustansiyang pagkain ng tatlong beses sa isang araw-araw na paligo; malinis na inuming tubig, *hygiene kit*, damit, at suportang medikal. At ang pinakamagandang balita, lahat ng 500 naninirahan sa kalye na nag-quarantine sa pitong *shelters* sa loob ng tatlong buwan ay hindi nagkasakit ng COVID-19.

Ang misyon ni Fr. Flavie ay nagpapatuloy sa ginawa niyang pagsangkot sa kanyang mga kaibigan at mga *partner* sa pagbibigay ng nasa 800-1000 na mainit na pagkain bawat hapon sa mga taong bumalik sa lansangan at iba pang benepisyaryo na walang tirahan.

Gayundin, noong Hulyo 16, 2020, sa pakikipagtulungan sa Congregation of the Passion of Jesus Christ, binuksan at binasbasan niya ang bagong Arnold Janssen Bahay Kalinga sa Bagong Silang, Lungsod ng Kalookan para sa 55 hanggang 60 na mga naninirahan sa lansangan na nagpahayag at nangakong sumailalim sa mga sesyon. sa pagsasanay sa kabuhayan at kasanayan upang ihanda sila para sa trabaho, na may kasamang mga *values* at *spiritual formation* at *human development processes*.



Si Dr. Anna Cristina Tuazon ay isang lisensyadong *clinical psychologist* na nagtapos ng kanyang masterado sa sikolohiya at doktorado sa *clinical psychology* sa The Wright Institute sa Berkeley, California, Estados Unidos. Siya ay kasalukuyang Kawaksing Propesor sa Departamento ng Sikolohiya ng Unibersidad ng Pilipinas Diliman at nagtuturo sa gradwadong programa sa *clinical psychology*. Nagsisilbi siyang *Clinical Supervisor* ng UP Diliman Psychosocial Services (PsycServ). Kasalukuyan siyang *host* ng “Share Ko Lang” ng GMA News Online at kolumnista ng Philippine Daily Inquirer.



Si Pierce S. Docena ay Assistant Professor sa Division of Social Sciences, Unibersidad ng Pilipinas Visayas Tacloban College, kung saan siya nagtapos ng Bachelor of Arts (Social Sciences) Psychology, cum laude. Nagtapos din siya ng MA Psychology mula sa UP Diliman, kung saan siya ay kasalukuyang nag-aaral ng PhD Psychology. Isa siyang top 10 placer sa October 2019 Board Licensure Examination for Psychometricians at aktibong kasapi ng Psychological Association of the Philippines at Pambansang Samahan sa Sikolohiyang Pilipino. Bilang isang Yolanda survivor, kasama siya sa mga unang nagbigay ng serbisyong MHPSS sa mga indibidwal at komunidad na nasalanta ng bagyo. Naging bahagi rin siya ng pagbuo, pagpapatupad, at pag-aaral ng programang Katatagan. Ilan sa mga natanggap niyang pagkilala ay ang Harangdón Award for Outstanding Faculty ng UP Tacloban, One UP Faculty Grant Award in Psychology (LGBT Psychology) for Research and Public Service in UP Visayas mula sa UP System, Chancellor’s Award for Outstanding Assistant Professor ng UP Visayas, at Outstanding Thesis Award mula sa Psychological Association of the Philippines.



Si Jun Villacorta Cabochan ay ang Tagapangasiwang Direktor ng Pandayan Bookshop, isang *retail chain* ng mga gamit sa paaralan at opisina. Itinatag niya ang Pandayan noong 1993. Ngayon, kalat na sa Luzon ang Pandayan. 135 ang tindahan nito at nasa 1,000 ang kasalukuyang bilang ng mga nagtatrabaho dito. Layunin ng Pandayan ang isabuhay ang mabuting pagpapakatao, pakikipagkapwa-tao, at pagkamakatao. Inaasahan ni Jun na matutuwa kayo sa mga kuwento ng mga Panday na kanyang ihahatid sa inyo. Si Jun ay nagtapos sa Pamantasang Ateneo de Manila ng AB Political Science, cum laude at *departmental awardee*.



Si Emmanuel Jeric A. Albela ay nagtuturo sa Departamento ng Kasaysayan ng Faculty of Arts and Letters sa Unibersidad ng Santo Tomas (UST) na may ranggong Assistant Professor (Katuwang na Propesor) 4. Siya ay isang lisensyadong guro na nakapagturo sa mga mag-aaral mula sa elementarya hanggang kolehiyo. Nakamit niya ang Batsilyer sa Sekundaryang Edukasyon sa Kasaysayan (2006), Masterado sa Kasaysayan, *cum laude* (2008), at Doktorado ng Pilosopiya sa Kasaysayan (2021) sa parehong unibersidad. Ginawaran ng markang *benemeritus (magna cum laude)* ang kanyang *doctoral dissertation* na "The Passage of Republic Act 1425: Contextualizing Rizal, Nationalism, and La Leyenda Negra - Its Unintended Consequence". Si Dr. Albela ay kasaping panghabambuhay ng Philippine Historical Association at Philippine National Historical Society at nagtrabaho bilang *consultant* ng *depoliticizing the barangay government* na pinamumunuan ng tanggapan ng Assistant Secretary for Plans and Programs ng Department of Interior and Local Government. Naging *consultant* din siya para sa *Youth Education at Non-Formal Education Module Development* ng Youth for Sustainable Development Assembly (YSDA), isang *non-government organization* na nakabase sa Lungsod Quezon. Sa kasalukuyan, nagtatrabaho siya bilang isang *consultant* sa ilalim ng Design Science Incorporated para sa proyekto ng Tourism Infrastructure and Enterprise Zone Authority (TIEZA)-Cavite Historical Trail Master Plan at Manila and Intramuros Historical Trail Master Plan bilang dalubhasa sa kasaysayan. Nakapaglathala siya ng mga makasaysayang pag-aaral at naglahad ng mga papel sa mga lokal at internasyonal na kumperensiya sa edukasyon, kultura ng pagkain, kasaysayan ng ekonomiya at kasaysayan ng Asya. Siya ang tagapagtatag, tagapaglathala, at editor ng TALA: An Online Journal of History.

Si Dr. Albela ay nagsisilbi rin sa UST bilang *student affairs practitioner* sa kanyang panunungkulan bilang Student Welfare and Development Coordinator ng UST Conservatory of Music mula noong 2012. Sa kasalukuyan, nagsisilbi siyang *special lecturer* sa Lyceum of the Philippines University-Manila.



Isang abogado para sa karapatang pantao si Golda Benjamin. Siya ay nagtapos ng Bachelor of Psychology at Law sa Unibersidad ng Pilipinas. Kasalukuyan siyang nagtuturo ng Silliman University College of Law. Noong nasa kolehiyo pa siya, nagging presidente din siya ng Bukluran sa Sikolohiyang Pilipino. Naging Head of Legislation din siya para sa isang senador ng Pilipinas at nagiging *consultant* ng Department of Agrarian Reform.